



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ,

Orthodoxorum Medicorum Patrono.



## QUÆSTIO MEDICA,

QUODLIBETARIIS DISPUTATIONIBUS  
manè discutienda, in Scholis Medicorum, die Jovis, 18<sup>a</sup> Novembris 1728.

M. BERNARDO DE JUSSIEU, Regiæ Scientiarum  
Academiæ, Regiæque Societatis Londinensis Socio,  
& in Horto Regio Botanices Prodemonstratore.  
Doctore Medico, Præside.

*An Lympham ac sanguinem ex æquo circulatim moveri asseverare  
non absurdum?*

### I.



UMANUM corpus hydraulico-pneumaticam esse machinam non temerè affirmatur; qui imprimis in ea oculis patent humores duo sunt, ex chyló uterque oriundus, usibus ambo maximis idonei, alimentis continuò reparabiles, per totam ubique machinam diffusi, quibus vi-tiatis illa læditur, sublatis tota ruit animalis œconomia, ille ruber, concretescibilis, falsus, antiquissimè sanguis nuncupatur; hic albicans oleo serofus, subdulcis, lymphæ recens nomen accepit; duos inter, principatum sanguini, & Veteres & Neoterici naturæ indagatores detulere; Primi quod cæteros omnis generis liquores in se continere, quod ab eo alios emanare jam viderent,

(undè, vita in sanguine, vetus proverbium,) Novissimi quod illum assiduò donatum motu cognoverint: mirabile profectò observatum! sæculis pristinis ignotum, proximè elapsi sagacitati reservatum, quo nullo magis divini fabricatoris intelligentia emicat! rubri hujusce liquoris, perpetuè ex arteriis ad venas scaturiginis, indefinensis è venis ad arterias remeatus demonstratione famosum, cujus in rapido cursu sic liquidæ molis particule attenuantur, ut minutissimæ repetito attritu factæ habiles per certa colatoria secerni, destinata sibi vasa subeant, diversas illic colorum saporum ac consistentiæ species indutæ, variis machinæ functionibus famulantur: sola has inter sanguinis secretiones, recenset lymphæ ætè fert; ferax liquor, latius in singulas corporis partes intimè diffusus, sui copiâ, usuumque præstantiâ, sanguinis nobilitatis æmulus, partem denegari sibi motum queritur; concedere quid obstat, si experimentis, si rationibus, argumentisque fortè similibus, hunc sibi vendicet?

## II.

**R**ES certè obscura humani corporis fabricæ mechanismus; ingenia ab ævo exercuit; nostris nepotibus ultimis disputationum seges adhuc futura; nudam tamen interdum sibi se naturam præbere labor improbus cogit; illius enim mysteria investigandi modus multiplex, quæ rudiorum antiquorum anatomicorum operam diu fugerunt, aut solertiori scalpello in dies cedunt, aut juvantis oculorum aciem microscopii ope deteguntur; interioris organorum structuræ ad Mathematicorum normam disquisitio, ad cognoscendas motus causas conducit; diversos inter liquores æquilibrium staticis hydraulicisque legibus demonstratur; delicatissimorum vasculorum aditus, ramenta, processus, ceteræ coloratæ <sup>fusæ</sup> aut <sup>subtiliorum</sup> liquorum penetrantur injectione, hæc subiecto in cadavere vitalium humorum affluxum imitatur, quem vivo in corpore inspicere & nefas & impossibile est. Ad intimam cognitionem conferunt, & generis omnis animalium anatome, & dissectarum in eis partium cum humanis analogia, minimorum cum majoribus, eorumque quibus nos præcellunt organorum cum nostris collatio. Adde humorum quos continent accuratum examen, colorem, odorem, saporem, pondus, consistentiam; adde eorumdem fluentium originem, fluxusque directionem, vel super vel subter ligatum vas probatam; & eorum principia, succorum aliorum mixturâ, lactâ, fermentatione, lotionibus & coctione explorata; nec fallax observationum ratio ex morborum symptomatis, vulnerum ulcerumque visu & curatione, nec vana sunt ex medicaminum effectibus judicia. His & talibus experimentis, indicii, disquisitionibus circularis sanguinis motus sese physicam in scenam protulit, quem Servetus & Cæsalpinus priores suspicati sunt, certum asseruit Paulus Sarpi & demonstratum adversus res luctantes sic Harveyus acerrimè propugnavit, ut nulli nisi cæco jam dubius sit.

## III.

**L**YMPHÆ naturam, motum, dotes noscere vis! eodem ad ejus quo ad sanguinis examen scrutinio, utere; præjudicatis de eâ opinionibus amotis, ac mente ad tempus à spirituum animalium figmento jam labante liberâ, chylum è vivi dissecti animalis stomachi pyloro, humorem lacteum in lacteas venas stillantem intruere; è venis lacteis Asellii Pancreas subeuntem sequere, à Pancreate in Pequeti receptaculum collectum, hinc canalem Thoracicum petentem, ab eo partim in axillarem venam magnâ parte impulsam, partim ad cerebrum salientem, hic in corticali ac medullari substantiis, ipsaque elongatâ medullâ, exquisitior factus, procedentes ab eo nervos penetrat, è quorum extremis in crystallinum mutatus liquorem, sese in tenuissimorum vasorum quasi nodosam compagem insinuat, unde ad Thoracicum canalem omnibus ex partibus redire appellit, chylo puro interdum, sæpius succo intestinali adjunctus, idem assiduè iter repetiturus; Lympha est liquor ille, etsi cursum ejus humano in cadavere scalpello prosequentem, Ariadnæ filum te forsan fugeret, si anceps in vasorum labyrintho hæresceres, viarum errorem, lymphaticorum cum sanguiferorum canalium analogiæ trutinâ corrigere; vehentes ambos cum revehentibus, eadem combinatione dispositos observa, situm

in ambobus similem, nunc perpendicularem nunc horizontalem, parem vehentes inter ac revehentes colorum diversitatem, parem consistentiæ dissimilitudinem, sanguinem arteriæ, lympham nervi ferunt, illum venæ, hanc vasa lymphatica referunt; amborum numerus ferè idem, firmiores fibrosæ & elasticæ nervorum sicut & arteriarum membranae, venarum ac vasorum lymphaticorum laxiores ac diaphanae; turgida rubent arteriæ, livefcunt venæ; albescent nervi, è crystallino perlucet vasa lymphatica. Quorsum quæso hæc tota cerebri cerebellique officina, nisi ut ad lymphæ sicut cor & pulmo ad sanguinis receptaculum & elaborationem inserviat? quâ ullam corporis particulam pungen, undè plus minusvè lymphæ non fluat? & si nervis vehi dubitas, nervi laticis cursum forti ligaturâ cohibe; arteriis venisque fluentibus pars motu nutritione ac sensu defraudata marcescit.

#### IV.

**H**UNC lymphæ motum non sola indicant organa, arguit & petita ab usibus necessitas, illâ vivere, sentire, nutriti, crescere, propagari hominem nihil certius: Embryonem recens formatum, nervi partem ultimam, ipsamet ossa Papini machinâ decoque, singula in gelatinum humorem resolves, analogo ex plantis, animalibusque succo alimur, qui merè lymphæ est; impurum ac nutritioni ineptum sanguinem, non sine causâ, lex Mosaica vetabat; tota lymphatica est extrema quæ oculis subest nervorum pars cristallina; opticorumque imprimis, in reticulari quorum expansione visio consistit, de auditoriis, gustatoriis, olfactoriis, palpantribus idem habeto, quibus excisis & sensationum & functionum virtus perit, voluntatisque imperio parere, tendinosæ chordæ recusant, semen ipsum propagationi dicatum, non nisi lymphæ elaboratissimæ speciem exhibet, quâ verò hæc arte tot in liquores, tantis aptos usibus immutatur, nisi repetito in propriis sibi vasis tritu, nisi multiplici percolatione quæ absque circulari motu perfici nequeunt! serosa igitur crassiorque chyli portio particularum salino-sulphurearum ex alimentis educaturâ mixturâ & fermentatione rubescens ac calefcens sanguiferis vasis sufficiat. Hanc suam molem vehant, revehantque, ex assiduo cujus circuitu, urina, sudor, pituita eliminantur, bilis, saliva, stomachalis, Pancreaticus, intestinalisque humores secernantur; simplici naturæ mori repugnat, humorem nobili usum ministerio pretiosum, jam chylicatione defæcatum, novam sui cum sanguine mixtione, colluviem repetere, rursûs in eâ coinquinandum, denuò repurgandum; viâ breviori, suo per nervos & lymphatica vasa circuitu, suas patietur secretiones, suo huic si motu sanguinis instar gaudere dabitur, circuitum hunc alia mille argumenta confirmant, & cordis menyngiumque virtus similis elastica fluido impellendo & in vasa protrudendo non impar, & mutua identidem sanguiferorum cum lymphaticis vasis inter se communicantium, sibi que liquore invicem suppeditantium officia, & variæ ex alterutriusque humoris aut redundantis copiâ aut abundantioris aliena in vasa appulsu incommodorum observationes; & comparata ex frequentiori Phlebotomia & purgationis usu damna, & ad subitam confecto à lautioribus alimentis chylo, nervorum refocillationem attentio, ut & ab eodem vitiato, aut sufflaminato vel inediâ, vel vasorum obstructionibus humore lymphatico ægritudines exortæ.

#### V.

**I**NAUDITUM, ais, systēma, suâque novitate suspectum! imò vetustissimum reputa, obsoletis humidi primigenii & calidi innati vocibus ac ideis olim notum, ex antiquo renascens, & experimentis ac rationibus galeatum, in scenam nunc sub lymphæ ac sanguinis æquo motu donatorum personis prodiens; stirpium animaliumque exordia inspicere, ut gelatinosa sunt, ut torus ferè in singulis embryo, cerebrum est lymphâ plenum, ex eâ nervorum vasorumque rudimenta, prima motus organa, quasi primum curante naturâ. Hanc vitæ, sensus, motus, fecunditatis dotibus esse præditam, testatur luxuriantis animalium exanguium familiæ consimilis substantia; non nisi post formata ex lymphâ cordis pulmonisque organa sanguinis punctum saliens ap-

paret, non-nisi explicantibus se sensim arteriis venisque humoris rubri motus auge-  
tur, cujus igneâ vi totâ inflammaretur machina, nisi affluentis continuo lymphæ quan-  
tatis humiditate temperaretur. Huic si motum pertinaciùs recusas ob incognita tibi  
à canali Thoracico ad cerebrum vasa, ob denegatum illie & in nervos coloratorum  
liquorum injectionibus aditum; sanguinis motus veritatem difficilioribus superatis  
obicibus viam sibi fecisse memineris; ut & Pequeti receptraculi, ipsiusque canalís Tho-  
racici vasa mox inventa, sic & quædam è Thoracico ad cerebrum reperiiri posse, plu-  
rimos hoc in spatio lymphaticos canales, qui hoc fungantur officio existere, talium-  
que inventionis omen jam lymphatico-nervis adiposisque à celebri Monspelienſi  
anatomico detectis extare, nec nervos lymphæ impervios existimes, comparatâ in plan-  
tis succiferorum vasorum intus lamellatorum structurâ, quæ etsi injectionibus non  
pareant, circueuntem nihilominus humorem, animali chylo ab origine analogum  
vehere ac revehere non ambigitur, quin & athmosphæricus aëris calor succi vegetalis  
in stirpibus ascensum, descensumque juvenis, sanguinis calorem ad lymphæ circuitum  
imitatur. Indociles olim se minus præstabant animi, explosâ deinceps spirituum ani-  
malium existentie ideâ, cum fictitio quorum calore haud congruit corticalis cerebri  
substantie frigiditas, etiam in vivo animali tactu observata. Sed quid istorum opus  
hypothesi dum succus idem lymphaticus è cerebro in nervos fusus, è nervis in vasa  
lymphatica rediens, interdumque cum sanguine communicans spirituum animalium  
vices obit, omniaque vitæ animalis munia adimplet?

*Ergo lympham ac sanguinem ex æquo circulatim moveri asseverare  
non absurdum.*

#### DOMINI DOCTORES DISPUTATURE.

M. Franciscus Mery.

M. Ludovicus-Hieronimus  
Cossier.

M. Claudius Du Cers.

M. Joannes-Baptista Dubois,  
Serenissima Principissa Dotæ-  
ria de Conti, Medicus.

M. Joannes-Ludovicus le  
Thieullier.

M. Claudius Vergne, Pharma-  
cia Professor.

M. Guillelmus-Josephus  
de l'Epine.

M. Nicolaus le Roy de Saint  
Aignan.

M. Jacobus-Benignus Winslow,  
Regia Scientiarum Academia  
Socius.

Proponebat Parisiis RAIMUNDUS DE LA RIVIERE, Parisinus,  
Baccalaureus Medicus, A. R. S. H. 1728. à sextâ ad meridiem.